



## XALQ DEPUTATLARI FARG'ONA VILOYATI KENGASHI QARORI

20 17 yil "30" январь № V-XXI/114

### Вилоят прокуратураси томонидан 2016 йилда амалга оширилган ишлар ҳақида вилоят прокурори М.М.Абдурахмановнинг ахбороти ҳақида

Ўзбекистон Республикаси Конституциясига мувофиқ, қонунчилик ташаббуси ҳукуқига эга субъектлардан бири сифатида прокуратура органлари томонидан мамлакатимизда қонун устуворлигини таъминлаш, қонунийликни мустаҳкамлаш, фуқароларнинг ҳукуқ ва эркинликлари, жамият ва давлатнинг қонуний манфаатларини ҳимоя қилиш, жиноятчилик ва ҳукуқбузарликларнинг олдини олиш борасида тизимли ишлар амалга оширилмоқда.

Фарғона вилояти прокуратураси органлари томонидан ўтган йилда вилоятда қонунийликни мустаҳкамлаш, фуқароларнинг ҳукуқ ва эркинликларини муҳофаза қилиш, жиноятчилик ва ҳукуқбузарликларни олдини олиш борасида муайян ишлар амалга оширилган.

Жумладан, вилоятимизда 2016 йилда қонунчиликка қанчалик риоя қилинганлиги ҳамда жиноятчиликка қарши кураш борасида ишлаб чиқилган аҳоли бандлигини таъминлаш ва янги иш ўринлари яратилиши белгиланган бўлиб, ҳақиқатда 93292 та яратилиб, режа 100,3 % бажарилган. Ёхуд, йил давомида бандликка кўмаклашиш марказларига иш сўраб мурожаат қилган 34805 нафар фуқароларнинг 33883 нафари ёки 97,4 % ишга жойлаштирилган. Йил якуни бўйича банд бўлмаган аҳоли сони 88266 нафарга етиб, ишсизлик даражаси 5,6 % ташкил этган. Бу кўрсаткичлар Ёзёвонда 7 %, Сўхда 6,8 %, Учкўприк ва Ўзбекистон туманларида 6 %, Кўштепада 5,9 %, Олтиариқ ва Риштонда 5,8 %, Тошлокда 5,7 % қайд қилинган.

Вилоятда ўтган йил давомида ишламайдиганлар томонидан жиноятлар содир этилиши қарийб 16 % ошган, 146 мингдан зиёд фуқароларимиз иш қидириб чет давлатларга чиқиб кетган, хориждан қайтиб келган 52 мингга яқин фуқаронинг 30 мингга яқини ёхуд 57 % иш билан таъминланмаган.

Ўтган 2016 йилда прокуратура органлари томонидан ўtkazilgan текширишларда 1302 та янги иш ўринлари яратилгани, 333 та иш излаб мурожаат қилган фуқароларнинг йўлланма асосида ишга жойлаштирилгани, 45 нафар фуқаролар жамоат ишларига жалб этилгани, 3 нафар фуқаролар

касбга ўқитилганлиги ва қайта тайёрлангани ҳақидағи маълумотлар қўшиб ёзилганлиги аниқланган.

Шунингдек, вилоятда жами 1095 та намунавий лойиҳалар асосида уйжойлар қурилиши режалаштирилиб, барчasi тўлиқ қуриб битказилгани ҳақида хисоботлар тузилган. Ваҳоланки, қурувчилар томонидан уй-жойларда газ плита, шкаф, иситиш радиаторларини ўрнатиш ва бошқа қурилиш ишлари охирига етказилмаган.

Фуқароларнинг ўзини ўзи бошқариш органларида икки ёшгача боласи бор ишламайдиган оналарга, кўп болали ҳамда кам таъминланган оилаларга нафака ва моддий ёрдам пуллари беришда ҳамма вақт ҳам адолат мезонига риоя қилиниши бўйича ҳам прокурор назорати олиб борилганган.

Вилоят бўйича фаолияти текширилган 502 та ўзини ўзи бошқариш органларида 3,5 млрд. сўмга яқин бюджет маблағлари ноқонуний бериб юборилганлиги аниқланган. Мазкур қонунчилик ижроси юзасидан ўтказилган 22 та назорат тадбирларида 512 тадан зиёд прокурор назорати ҳужжатлари қўлланилган, кўпол қонунбузилиши ҳолатлари юзасидан 15 та жиноят ишлар қўзгатилган.

Оналар ва болалар соғлиғини муҳофаза қилиш, аҳолининг репродуктив саломатлигини мустаҳкамлаш ва қонунийликни таъминлаш борасида прокуроратура назорати олиб борилди. Мазкур соҳада етарли назорат ўрнатилмаганлиги ва тизим ходимларининг ўз хизмат вазифаларига масъулият билан ёндошмаганлиги оқибатида болалар ўлими ортган ва оналар вафот этиш ҳолатлари содир бўлган.

Натижада прокуратура органлари томонидан ўтказилган текширишлар натижаси бўйича 1000 нафардан зиёд тиббиёт ходимлари интизомий, 3 нафари эса жиноий жавобгарликка тортилган.

Биринчи даражадаги тўловларни ўз вақтида амалга ошириш учун накд пулни банкларга жалб қилиш муҳимлигини инобатга олиб, худудларни иқтисодий ривожлантариш ва тадбиркорликни қўллаб-қувватлаш борасида ҳам прокуратура назорати олиб борилди.

2017 йил 1 январь ҳолатига мавжуд 4 трлн. сўмдан ортиқ дебитор қарздорликнинг 1 млрд. сўмдан ортиғи, 5 трлн. 600 млрд. сўм кредитор қарздорликнинг 94 млрд. 700 млн. сўми муддати ўтган.

Юқоридагилардан келиб чиқиб, вилоят прокуратураси томонидан вилоятда қонунийликни мустаҳкамлаш, фуқароларнинг ҳуқуқ ва эркинликларини муҳофаза қилиш, жиноятчилик ва ҳуқуқбузарликларни олдини олиш борасида олиб борилаётган ишлари, келгусида бажарилиши лозим бўлган вазифаларни назорат этишни янада кучайтириш, доимий мониторингни олиб бориш ҳамда юзага келган муаммоларни ҳал этилишини таъминлаш мақсадида ҳалқ депутатлари вилоят Кенгаши

### **ҚАРОР ҚИЛАДИ:**

1. Вилоятда 2016 йилда қонунчилик ҳолати ва жиноятчиликка қарши кураш борасида олиб борилган ишлар тўғрисида вилоят прокурори, адлия

кatta маслаҳатчиси М.М.Абдурахмановнинг берган ҳисботи маълумот учун қабул қилинсин.

2. Ҳалқ депутатлари туман, шаҳар Кенгашлари депутатлари аҳоли бандлигини таъминлаш ва янги иш ўринларини яратиш дастурини ҳудудларда ижросини таъминлаш, қонунийликни мустаҳкамлаш, фуқароларнинг ҳуқук ва эркинликларини муҳофаза қилиш, жиноятчилик ва ҳуқуқбузарликларни олдини олиш борасида олиб борилаётган ишларни, келгусида бажарилиши лозим бўлган вазифалар ижроси юзасидан депутатлик назоратини янада кучайтириш вазифаси топширилсин.

3. 2016 йилдаги янги иш ўринларини яратиш дастури ижроси Ёзёвон, Сўх, Учқўприк, Ўзбекистон, Кўштепа, Олтиариқ, Риштон ва Тошлоқ туманларида тўлиқ бажарилмаганлиги, Фарғона, Марғилон ва Кувасой шаҳарлари ҳамда Кува, Фарғона, Учқўприк, Кўқон, Данғара, Бувайда, Тошлоқ, Бешариқ ва Риштон туманларида тўлов интизомига риоя қилинмаганлиги, Бағдод туманида Жисмоний ва юридик шахсларнинг мурожаатларини кўриб чикиш масаласида етарли даражада иш ташкил этилмаганлиги алоҳида кўрсатиб ўтилсин.

4. Вилоятда қонунийликни мустаҳкамлаш, фуқароларнинг ҳуқук ва эркинликларини муҳофаза қилиш, жиноятчилик ва ҳуқуқбузарликларни олдини олиш борасида вилоят прокуратураси томонидан ўтган йилда олиб борилган ўрганишлар ва қўлланилган прокурор назорати тадбирларидан келиб чиқиб, қуидагилар белгилаб кўйилсин:

намунавий лойиҳалар асосида уй-жойлар қурилишини ўз вақтида ва сифатли таъминлаш;

Фуқароларнинг ўзини ўзи бошқариш органларида икки ёшгача боласи бор ишламайдиган оналарга, кўп болали ҳамда кам таъминланган оилаларга нафака ва моддий ёрдам пулларини белгиланган мезонига риоя қилган ҳолда берилишини таъминлаш;

Оналар ва болалар соғлигини муҳофаза қилиш, аҳолининг репродуктив саломатлигини мустаҳкамлаш борасида қонунийликни таъминлаш борасида назорат тизимини янада кучайтириш, тизим ходимларининг ўз хизмат вазифаларига масъулият билан ёндашишларини таъминлаш;

Биринчи даражадаги тўловларни ўз вақтида амалга ошириш учун нақд пулни банкларга жалб қилиш муҳимлигини инобатга олиб, ҳокимликлар ҳузурида ҳоким ўринбосарлари раислигига, алоҳида шу масала билан шуғулланувчи пул-кредит сиёсати комиссиялари фаолиятини янада жонлантириш;

Ўзбекистон Республикасининг “Жисмоний ва юридик шахсларнинг мурожаатлари тўғрисида”ги Қонуни ижросини таъминлаш, мурожаат важларини сифатсиз текшириш, белгиланган муддатларни бузиш, тўлиқ кўриб чиқмаслик, сифатсиз жавоблар бериш, тааллуқлиги бўйича юбормаслик, ноқонуний қарорлар қабул қилиш, биринчи раҳбар томонидан

имзоланмаслик ҳолатлари содир бўлганлиги учун масъулларни ҳукуқий билими ва жавобгарлигини ошириш чора-тадбарларини белгилаш;

5. Халқ депутатлари туман, шаҳар Кенгашлари ҳамда халқ депутатлари вилоят Кенгашининг доимий комиссияларига Ўзбекистон Республикаси қонунлар ва қонуности ҳужжатлари талаблари асосида жойларда ўрганишлар жорий этиш ва сессия муҳокамаларида кўриб чиқиш тавсия этилсин.

6. Вилоят телерадиокомпанияси (Мамарасулов), “Фарғона ҳақиқати” (Тешабоев) ва “Ферганская правда” (Сайдганиева) газеталари таҳририятига вилоятда қонунийликни мустаҳкамлаш, фуқароларнинг ҳуқуқ ва эркинликларини муҳофаза қилиш, жиноятчилик ва ҳукуқбузарликларни олдини олиш борасида туркум мақола ва кўрсатувларни тайёрлаб бориши тавсия этилсин.

7. Мазкур қарор ижросини бажарилишини назорат қилиш халқ депутатлари вилоят Кенгашининг доимий комиссиялари зиммасига юклатилсин.

8. Ушбу қарор қабул қилинган кундан кучга киради.

**Кенгаш раҳбари,  
вилоят ҳокими**

**Ш.Ғаниев**